

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla"d.o.o.

Broj:01/I-619-18/16
G.Dubrave, 01.08.2016.godine

Na osnovu člana 69. stav 1. alineja a), člana 70. i člana 89. Zakona o javnim nabavkama BiH (Službeni glasnik Bosne i Hercegovine broj: 39/14) te prijedloga Komisije za provođenje postupka nabavke rabljenog viljuškara na električni pogon, utvrđenog u zapisniku broj: 01/I-619-17/16 od 06.07.2016.godine, u ime uprave Javnog preduzeća Direktor JP «Međunarodni aerodrom Tuzla» d.o.o., d o n o s i:

ODLUKU
o izboru najpovoljnijeg ponuđača

Ponuda ponuđača „LAGER“ D.O.O. iz Posušja proglašava se najpovoljnijom, te se imenovanom ponuđaču dodjeljuje ugovor o nabavi rabljenog viljuškara na električni pogon. Ugovorni organ će istovremeno uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona. Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u konkurentskom zahtjevu za dostavljanje ponuda i zakonskim propisima koji regulišu postupke ugovaranja.

Obrazloženje

Ugovorni organ je na osnovu obavještenja na web portalu javnih nabavki broj: 527-7-1-7/16 od 16.06.2016. godine proveo konkurentski postupak prikupljanja ponuda za nabavku rabljenog viljuškara na električni pogon.

Nakon izvršenog otvaranja ponuda dana 04.07.2016.godine, odnosno izvršene analize ponuda Komisija je utvrdila da su pristigle tri ponude i to:

1. Ponuđač „EDNIL“D.O.O. iz Sarajeva- čija cijena ponude iznosi 26.800,00 KM bez PDV-a,
2. Ponuđač „PARKELJ“D.O.O. iz Sarajeva- čija cijena ponude iznosi 29.900,00 KM bez PDV-a,
3. Ponuđač „LAGER“D.O.O. iz Posušja- čija cijena ponude iznosi 28.900,00 KM bez PDV-a.

Uvidom u priloženu dokumentaciju i suštinskom provjerom sadržaja i validnosti dokumentacije. Komisija je utvrdila je kako slijedi:

Ponuda ponuđača „EDNIL“ D.O.O. iz Sarajeva ne ispunjava formalno pravne, ekonomske i tehničke uslove odnosno zahtjeve ugovornog organa, odnosno da je ista prihvatljiva za ugovorni organ i može biti predmet vrednovanja shodno utvrđenim kriterijima u tenderskoj dokumentaciji. Ponuđač „EDNIL“ D.O.O. iz Sarajeva Ponuđač je dostavio dokument Aktuelni izvod iz sudskog registra koji se sastoji od ukupno 7 stranice od kojih su prvih 6 stranica obične fotokopije a na poledini 7 stranice nalazi se pečat ovjere Službe za opću upravu Općine Vogošća na kojem je ispisan tekst „Ovaj prepis - fotokopija istovjetan je sa njegovim....napisanim....koji se sastoji od 1 stranica...“ Kako na spojevima stranica odnosno listova ne postoji pečat (originalan otisak pečata) pomenute Službe nego su samo vidljive kopije istog i to na različitim mjestima na stranicama to se ovaj dokument ne može prihvatiti kao dokaz o ispunjavanju uslova propisanog tačkom 9.1. tenderske dokumentacije.

Ponuda ponuđača „PARKELJ“ D.O.O. iz Sarajeva ne ispunjava formalno pravne, ekonomske i tehničke uslove odnosno zahtjeve ugovornog organa utvrđene u tenderskoj dokumentaciji. Ponuđač „PARKELJ“ D.O.O. iz Sarajeva nije dostavio potvrde izdate od strane svih banaka kod kojih ima otvorene račune kojim dokazuje solventnost u posljednjih 6 mjeseci kako je traženo tenderskom

dokumentacijom u skladu sa članom 47. Zakona o javnim nabavkama BiH, što je vidljivo iz dostavljenog izvoda Centralne banke BiH o otvorenim, odnosno aktivnim računima. Ponuđač „PARKELJ“ D.O.O. iz Sarajeva dostavio je ponudu sa popunjenim obrascem za tehničke karakteristike vozila koje ne odgovaraju zahtjevanim, odnosno ponuđeno vozilo posjeduje kran koji ima visinu 2546 mm dok je u tenderskoj dokumentaciji tražena visina kрана maksimalno 2,5 m. Ponuđač je dostavio dokument Rješenje o izmjenama podataka koji se sastoji od ukupno 4 stranice od kojih su prve 2 stranice obične fotokopije a na poleđini 3 stranice odnosno na 4 stranici nalazi se pečat ovjere Službe za opću upravu Općine Vogošća na kojem je ispisan tekst „Ovaj prepis -fotokopija istovjetan je sa njegovim....napisanim....koji se sastoji od 1 stranica...“ Kako na spojevima stranica odnosno listova ne postoji pečat (originalan otisak pečata) pomenute Službe nego su samo vidljive kopije istog to se ovaj dokument ne može prihvatiti kao dokaz o ispunjavanju uslova propisanog tačkom 9.1. tenderske dokumentacije. Slijedom navedenog, ponuda ponuđača „PARKELJ“ D.O.O. iz Sarajeva nije prihvatljiva za ugovorni organ i ne može biti predmet vrednovanja.

Ponuđač „LAGER“ D.O.O. iz Posušja dostavio je ponudu sa popunjenim obascem za tehničke karakteristike vozila i u istom je potvrdio da vozilo zadovoljava sve tražene karakteristike ali na osnovu fotografija i tehničkog opisa vozila koje je ponuđač bio obavezan dostaviti utvrđeno je da vozilo nema zatvorenu kabinu sa grijanjem kako je traženo u tehničkim specifikacijama. Zbog toga je komisija tražila detaljno pojašnjenje tehničkih karakteristika od ponuđača „LAGER“ D.O.O. iz Posušja aktom broj: 01/I-619-11/16 od 07.07.2016. godine. Aktom broj: 01/I-619-12/16 od dana 08.07.2016. godine ponuđač „LAGER“ D.O.O. iz Posušja je odgovorio na zahtjev za pojašnjenjem tehničkih specifikacija. U pojašnjenju je naveo da ponuđeno vozilo u cjelosti odgovara traženim karakteristikama i to iz razloga što je na dostavljenim fotografijama vidljivo isto vozilo bez kabine sa tzv.nadstrešnicom jer u trenutku dostavljanja ponude kabina još uvijek nije bila ugrađena na vozilo jer se radi o opcionalnoj opremi koja se inače serijski ne ugrađuje. U prilogu akta ponuđač je dostavio trodimenzionalnu fotografiju kabine uz objašnjenje da se ista ugrađuje na vozilo prije isporuke. Naveo je da se radi o čeličnoj ostakljenoj kabini odgovarajućih dimenzija sa grijanjem i brisačem kako je traženo u tehničkim specifikacijama.

Komisija je izvršila vizuelni pregled viljuškara ponuđača „LAGER“ D.O.O. iz Posušja i ponuđača „EDNIL“ D.O.O. iz Sarajeva s ciljem potvrde tehničkog opisa dostavljenog u njihovim ponudama a na osnovu tačke 9.4. tenderske dokumentacije.

Cijeneći navedeno činjenično stanje, Komisija za provođenje postupka nabavke rabljenog viljuškara na električni pogon, konstatovala je da postoje uslovi za izbor najpovoljnijeg ponuđača i dodjelu ugovora istom u skladu sa članom 69. Stav 1. alineja a) i članom 89. Zakona o javnim nabavkama BiH i dala prijedlog za donošenje Odluke o dodjeli ugovora ponuđaču ponuđač „LAGER“ D.O.O. iz Posušja čija cijena ponude iznosi 28.900,00 KM bez PDV-a.

Na osnovu ovog prijedloga Komisije za provođenje postupka nabavke rabljenog viljuškara na električni pogon, ovlašteni organ ugovornog organa donio je odluku kao u dispozitivu.

PRAVNA POUKA: Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
3 x Ponuđačima
① x Evidenciji
1 x a/a



DIREKTOR

Rifet Karasalihović